

靈寶領教濟度金書卷之二百八十二

臣八

靈寶領教濟度金書卷之二百八十二 臣八

洞微高士開光救苦真人竊全真授

靈寶通玄弘教水南先生材靈真編

存思玄妙品

開度析
禳通用

鍊穢變神步罡

凝神定慮焚香兩手掐玉清訣定息八十一
次存絳宮紅光如日照耀遠近有一嬰兒疊
是而坐坐在紅光中忽五臟之氣化為五色祥
雲載此嬰兒自紅光中歷十二重樓而上直
衝天門紅光圍繞出玄虛中去地五丈此身

忽化為枯木內觀五臟分明兩手挑天地火
訣存心中火出如線紅色自透頂外良久化
為大火焚此枯木及所居宅舍悉為灰燼次
存鼻風吹散灰燼無餘即存腎水漲滿飄蕩
此灰入此水中天地間恍無一物湛若太虛

臣八

再掐定玉清訣存水中一條白炁漸漸結聚
化成一團五方真炁降入團中

如東方青炁
九芒是也餘

同化成五臟又以餘炁化六腑四肢百骸倏
然成我身形次思先所出空中嬰兒併五色
祥雲乘紅光自我天門而下入我身中直至

黃庭光明如日自左升上圍心中九轉與絳
宮混合其紅光滿十方界如瑠璃瓶照耀遠
近良久見光中嬰兒湛寂端凝即元命真人
也次左手巡十二宮存青黃白三炁自泥丸
絳宮黃庭出纏繞光盈室內我身在三炁中

即以兩手掐變神訣

未下

念變神呪

心神崔宣意神揚德興速召集身中三部八
景二十四神五臟六腑三元八節七政九宮
三魂七魄四肢九竅三百六十骨節千二百

形影萬二千精光三萬六千毛竅等神各整
威儀與吾吉慶賜吾太道令吾身化為靈寶
真人冠碧玉交泰之冠衣飛玄紫綃之帔碧
裙朱履瓊珮瑤圭汝等神靈衛吾左右上使
紅光罩滿下使祥雲繞圍令吾存念啓祝上

臣八

二

應帝廬混元覆護變形玉虛急急如律令

次兩手玉清訣存我身為靈寶真人服色如
上次存青炁從左眼出化為青龍居左白炁
從右鼻出化為白虎居右赤炁從舌出化為
朱雀居前黑炁從兩耳出化為玄武居後黃

炁從臍出化為獅子九隻居前白炁從額出
眉間入三寸
即上田也 化為白鶴十二隻各兩傍次日

紫赤色紅光九芒次月黃素色白光十芒自
兩眉角後六合宮出日左月右凝住面前去
面日九寸月十寸回光芒從鼻孔中入洞房

金華宮

眉間正
入二寸

光明出額後化為圓象徧體

光明朗照十方次北斗七星從兩眉間出罩
頂上斗柄前指去面七寸金光輝映混合覆

身次左扣天鐘七通召陽神念衛身呪

上方世界八僊人下方持地四將軍三五吏

兵除惡鬼四六童子護吾身六甲直符驅厭
魅六丁童子守吾形吾左青龍右白虎頭上
朱雀足玄武前有功曹後主簿驅除厭魅并
魘蟲豔若有魘禱還本主一切祆氛不得住須
臾不去舉天斧急急如

臣八

三

上帝律令

次右扣天磬七通召陰神念塞鬼洞呪
太靈九宮太一守房百神森衛魂魄和同長
生久視却滅邪兇急急如律令
次中扣天鼓七通以朝真念集神朝真呪

魂神澄正萬炁長存不經苦惱身有光明三界侍衛五帝司迎萬神朝禮名書上天功滿德就飛身上清急急如律令

次步竅落斗三座一順二逆三順手指足步口念又每掐斗存金光隨掐訣飛起又隨足

步飛起上接天星照耀十方

先步第一順斗念

斗要妙兮十二辰乘光明兮威武陳炁彷彿

兮如浮雲九炁動兮上應天知變化兮有吉

凶合六律兮持甲乙履天英兮坎一乘天任坤二

倚天柱兮三擁天心四從茲度兮登天禽五

從天輔兮六望天衝七入天內兮八出天蓬

九離斗道通兮剛柔濟添福祿兮留後世出幽

明兮千萬歲急急如律令

次步第二逆斗念

日月明乾坤配吾從天蓬一入天內二略過

天衝三逢輔退四返歸天禽中與心對六抱

天柱七任八英九會斗道通鬼道碎急急如

律令

次步第三順斗念

戴九履一左三右七二四爲肩六八爲足吾
居中宮以爲腹實萬鬼千邪各還本鄉當吾
者死逆吾者亡速出奔迸隱匿伏藏天丁力
士斬滅不祥急急如律令

以上鍊穢變神步斗三者若此步至第三斗
看作何事改變用之故名爲赤天三五步罡
元命真人也

大羅默朝內誦

真人在大赤天中煉穢變神步罡了畢即以
舌柱上腭化爲虹橋五臟之炁化爲五色祥

雲捧橋直接天上遂結六真訣祝云
謹召運神會道功曹四直玉文功曹引我朝
謁三天門下急急

即存運神會道功曹弁冠青衣阜緣穿黑履
佩玉又存四直功曹四人弁冠大袖佩符左

青右白左紅右黑凡六人成三對前引先四
直次運神會道遂挑訣閉炁存此功曹引真
人乘雲炁自絳宮上重樓度虹橋既登橋覺
如歷數萬里之遠望橋外金闕崇樓紫雲掩
映有金牌玉字云三天門下有二守吏星冠

服守門既到門外功曹不入祝云

謹告今爲某事朝謁三天金闕玉陛下伏望
天門守吏特賜矜允

次存守吏引入三重門裏見大殿金字崇巖
神光徧照有直日靈官二人如功曹之服相

接引入大殿門見元始御五色獅子之座有

金光紫雲圍繞左右侍衛儼然遂從左廊而
上當殿堦再拜長跪具奏祝云

小臣某以今清旦朝謁誦經或爲某人某事

意乞賜感應

即誦經九過存元始與衆真同誦經聲琅然
金光自經聲中發灌沐身心內外光明然後
懺罪祈恩不過十六字畢仍前再誦存

元始亦誦金光下映我身我乘金光上殿至
元始前左旋九匝與元始合爲一體誦經不
輟駕祥雲獅座與萬真侍衛自大殿門而出
直度虹橋入絳宮端坐獅子之上再誦經三
徧咽液三過行神光大定之法乃寂無遺響
之特也

此默朝大羅之訣也若不與元始合形只懺

罪祈恩畢伏在殿墀下以伺報應存元始降
金光下注得報應訖又再拜謝恩遂辭

元始自右廊而出至大殿門辭直日靈官出
三重門辭直日守吏出三天門下見運神會
道功曹四直功曹欣躍相引度橋度重樓至
赤天依前誦經序立叩齒咽液而退

誦經分章

祈雨誦

元洞玉曆龍漢延康眇眇億劫混沌之中上
無復色下無復淵風澤洞虛金剛乘天天上

天下無幽無冥無形無影無極無窮溟滓大
梵寥廓無光急急如
靈寶无量度人律令

祈晴誦

琳琅振響十方肅清河海靜默山嶽吞煙萬

臣八

六

靈振伏招集羣仙天無氛穢地無妖塵冥慧
洞清大量玄玄也急急如

靈寶无量度人律令

祈雪誦

玉音攝炁靈風聚煙紫虛鬱秀輔翼萬仙千

和萬合自然成真急急如

靈寶无量度人律令

禳火誦

鬱羅蕭臺玉山上京上極无上大羅玉清渺
渺劫仞若亡若存三華離便大有妙庭金闕

玉房森羅淨靈大行梵炁周迴十方急急如

靈寶无量度人律令

禳兵誦

神公受命普掃不祥八威吐毒猛馬四張天
丁前驅大帥仗幡擲火萬里流鈴八衝敢有

干試拒遏上真金鉞前戮巨天後刑急急如
靈寶无量度人律令

護國誦

安鎮國祚保天長存世世不絕常為人君安
鎮其方民稱太平急急如

靈寶无量度人律令

禳疫誦

赤明開圖運度自然元始安鎮敷落五篇赤
書玉字八威龍文保制劫運使天長存急急

如

靈寶无量度人律令

安鎮誦

元始安鎮敷落五篇赤書玉字八威龍文保
制劫運使天長存梵炁彌羅萬範開張元網
流演三十二天輪轉無色周迴十方旋斗歷
箕迴度五常三十五分總炁上元八景冥合
炁入玄玄中太皇上帝高真汎景太霞嘯
誅洞章金真朗郁流響雲管玉音攝炁靈風
聚煙紫虛鬱秀輔翼萬仙千和萬合自然成
真急急如

靈寶无量度人律令

起土誦

一國地土山川林木緬平一等無復高下土
皆作碧玉無有異色衆真侍座急急如
靈寶无量度人律令

保安誦

真中有神長生大君無英公子白元尊神太
一司命桃康合延執符把籙保命生根上遊
上清出入華房八冥之內細微之中下鎮人
身泥丸絳宮中理五炁混合百神十轉回靈

萬炁齊仙急急如

靈寶无量度人律令

馘毒誦

青天魔王巴元醜伯赤天魔王負天擔石白
天魔王反山六目黑天魔王監醜朗馘黃天

八

八

魔王橫天擔力五帝大魔王神之宗飛行鼓
從總領鬼兵麾幢鼓節遊觀太空自號赫奕
諸天齊功上天度人嚴攝北酆神公受命普
掃不祥八威吐毒猛馬四張天丁前驅大帥
仗幡擲火萬里流鈴八衝敢有干試拒遏上

真金鉞前戮巨天後刑屠割鬼爽風火無停
千千截首萬萬剪形魔無干犯鬼無妖精三
官北艷明檢鬼營不得容隱金馬驛程普告
無窮萬神咸聽三界五帝列言上清急急如
靈寶无量度人律令

開度誦

三十二天三十二帝諸天隱諱諸天隱名天
中空洞自然靈章諸天隱韻天中之音天中
之尊天中之神天中大魔天中之靈九和十
合變化上清无量之奧深不可詳敷落成真

普度天人今日欣慶受度歷關諸天請滅三
惡斬絕地根飛度五戶名列太玄魔王監舉
無拘天門急急如
靈寶无量度人律令

攝召誦

普告三界无極神鄉泉曲之府北都羅酆三
官九署十二河源上解祖考億劫種親疾除
罪簿落滅惡根不得拘留逼合鬼羣元始符
命時刻昇遷北都寒池部衛形魂制魔保舉
度品南宮死魂受鍊仙化成人身受度劫

劫長存隨劫輪轉與天齊年永度三途五苦
八難超凌三界逍遙上清急急如
靈寶无量度人律令

鍊度誦

魂神澄正萬炁長存不經苦惱身有光明三
界侍衛五帝司迎萬神朝禮名書上天功滿
德就飛昇上清急急如
靈寶无量度人律令

三十二天默朝內頌

赤天中步斗作用如前度重樓度虹橋入三

天門下望紫炁祥雲照映四方有三十二天
宮闕布列環拱玄虛真人入三天門下從西
北乾位爲始望見宮闕有金牌玉字云太皇
黃曾天即入闕門朝謁次亥位太明玉完天
次壬位清明何童天周圍三十二天朝謁都
畢即到三天門下默誦中篇一徧祈恩懺罪
再拜辭出歷虹橋重樓過絳宮咽液而止若
每天誦中篇一徧尤佳但只費時光耳

天門下望紫炁祥雲照映四方有三十二天
宮闕布列環拱玄虛真人入三天門下從西
北乾位爲始望見宮闕有金牌玉字云太皇
黃曾天即入闕門朝謁次亥位太明玉完天
次壬位清明何童天周圍三十二天朝謁都
畢即到三天門下默誦中篇一徧祈恩懺罪
再拜辭出歷虹橋重樓過絳宮咽液而止若
每天誦中篇一徧尤佳但只費時光耳

天門下望紫炁祥雲照映四方有三十二天
宮闕布列環拱玄虛真人入三天門下從西
北乾位爲始望見宮闕有金牌玉字云太皇
黃曾天即入闕門朝謁次亥位太明玉完天
次壬位清明何童天周圍三十二天朝謁都
畢即到三天門下默誦中篇一徧祈恩懺罪
再拜辭出歷虹橋重樓過絳宮咽液而止若
每天誦中篇一徧尤佳但只費時光耳

凡入壇作用一如鍊穢變神步罡之儀但文

撒盡經凡人之手須步破穢罡念淨身呪淨
天地呪以解其厭穢方得清淨法宜於真人
入赤天之後即默念淨身呪方宣解穢符
吾以日洗身以月鍊真仙人輔已玉女侍形
二十八宿與吾合并千邪萬穢逐悉而清急
急如律令

破穢罡

九指鳳

辰

破

四指

穢

子

邪

中指

精

午

滅

申

亡

戌

遂以手點破穢罡口念破穢呪畢存金光煥

發隨點而起照耀天地我面前有九鳳破穢

靈官乘九頭飛鳳衣朱衣右手執羽枝左手
執水盂鳳口吐火炎炎焚燒一切穢濁之氣
悉令清淨靈官以羽枝飛洒火勢漸滅天地
肅清即念淨天地呪呪畢方變神念左右中
三呪訖遂默召本靖諸部承受發放官吏及
本靖主副監壇護道里域土地司命等神方
宣勅召符啓白三請初獻自此以後法師惟
默念三天諱不輟至三獻畢讀文檄宣開天
符宣度火符焚燎法師存四直功曹三符使
各領本界文檄馳去有如風雲之速遂望天

門左手點

玉指四指清子扣寅關二指

剔出存金光隨剔而發文字直過星界次點

火指四指輪子火寅捷二指急巳

剔出存金光如前文字直入天門又手點

祛指四指魔子天寅君二指立巳正未

剔出存金光如前文字達御前法師遂念

吾本太上真三千為從神幹凡歸下界有命

達上清持此章奏詞須速入天門若還遲滯

者有誤害皇民左門錢明德右門張德麟提

軍魯曰正副將唐芒卿天文若到此急須達
真靈急急如律令

呪畢默召運神會道功曹步九靈斗三座伏
地存諸將侍衛森列飛雲芳降華京二天丁
前引真人直至玉几前奏陳文檄內事意允
與不允乞賜報應遂凝神俯伏殿下候得報
應訖再拜謝恩歸至絳宮咽液而起如不得
報應只念九字呪十七字呪各一百遍亦退
其夜夢中必有昭報矣

禁壇淨穢

法師作用變神鍊穢如申發文撒法至焚四
靈侍衛符八方威神符五帝大魔符十方飛
天神王符各存其形貌服色儀衛各自其方
而來鎮守其方而已其形貌服色儀衛備見
金書

開啓變壇

法師三拜伏地作用如常真人自赤天中上
朝元始見元始天尊坐於五色獅子之座遂
密祝降真變壇之意兩手玉清訣存元始面
前有一寶珠去地五丈九芒注射忽然此珠

豁開見天地廓清无浮翳无祆塵惟見玉京
山在空玄中祥風慶雲景象融和三光煥耀
四炁朗清天樂和鳴神燈交換天樂則金石
絲竹雲璈間作天燈則小大高下閃爍齊輝
羽葆霓旌騫林琪樹青鸞白鶴飛繞周圍聖

四八

十二

真仙靈乘龍跨鳳儀衛鹵簿羅列後先光彩
陸離互相映發所築三層之壇化為玉京山
不在地面太上三尊坐玉京山中右虎左龍
千乘萬騎羣真衆聖環侍周帀五帝兵馬及
天地飛仙神仙真人神人日月星宿河海嶽

瀆等兵馬各衣其衣來朝左右各守其坐立之處見朝奏次序品一時氣象與浮黎土說經之時無以異也然後辭元始歸絳宮三拜起次轉班宣召靈符召平日所用靈寶諸司南北二院雷司列職土地監臨前來聽候翊衛次宣誓宣榜獻茶酒散自開啓後入壇及朝奏並依此存用建齋之次食息起居不可暫息

呼陰召陽

振金鐘以召陽神鳴鐘時存上界諸仙真皆

乘雲駕霧飛空步虛而來振玉磬以召陰神
鳴磬時存下界諸神祇皆雲龍月駟追風躡
雲而過交振鐘磬以召中界神真仙靈存中
界諸仙靈皆金輿玉輦雜遝而集各有隊仗
衣服儀飾悉依金書存之

臣八

十三

宣表捲簾

法師存金闕寥陽殿內隱隱羣真侍衛
元始星斗飛芒龍燈鳳燭並在簾裏惟遙認
而已簾之外无景光也宣表後舉稽首虛皇
天尊前法事畢忽然捲簾內外華燈璀璨宛

如浮黎土矣

敷露安鎮

侍職宣白法師執東方真文香上熏誦之吸
震炁吹存真文上金光煥耀冲映東方九炁
之天迴光下照東方世界悉皆開朗無有故
炁五方同此

衛靈宣炁

法師宣東方衛靈炁吸震炁吹存東方青靈
始老天君部領吏兵來駐東方斥逐鬼賊辟
掃氛穢五方同此

陞壇朝奏

法師先入靜默堂變鍊如儀次焚解穢符宣
淨天地呪次序立次啓白朝奏之意存玉童
玉女鈞天廣樂龍燈鳳燭璀璨嘹亮並介於
衆官次序前行惟本派經籍度三師在法師
前將引過玄師幕本派三師密陳啓奏事意
於玄師前吟道讚法師存下丹田有玄冥君
天尊服上至中田見丹元君揖曰願同朝謁
遂左轉九帀與丹元君混合爲一又上至上
田見華峯君揖曰願同朝謁又左轉九帀與

華峯君混合爲一又自上田下至中田仰望
三天金闕在泥丸中三尊坐其上光芒映耀
侍衛儼然三田有青黃白之炁交煥彌羅內
過一室外至天地無不周徧次舉華夏序行
存玄師在法師前同三師將引左旋至都門

臣八

十四

外存本靖四大神將盛服執器械守門吏兵
隨之遂念呪掐訣入都門左旋至地戶外存
五方五帝兵馬騎乘並披甲冑執器械隨其
方色巡守遂念呪掐訣入地戶左旋至天門
外存十方飛天神王冠服如常部領儀衛巡

守遂念呪掐訣入天門依靈寶思神儀存思
見朝奏次序品然後上十方香次上三寶香
舉燒香頌存三寶降臨見朝奏次序品次存
玄師升在本方坐歸位舉各禮師鳴法鼓各
有存思作用並見朝奏次序品次稱法位啓
聖存本派三師在左本身七祖父母在右與
法師同起伏朝奏次宣科宣詞存萬聖千真
寂默侍衛三寶聽宣詞旨至三捻香存香煙
上衝結爲寶蓋在空中玄中遙供養三寶次方
懺詣其方存三師同自身七祖父母俱至本

方長跪隨聲懺悔本方天尊冠冕服色俯首
傾聽次命魔作用見朝奏次序品次舉步虛
緣太上居鬱羅蕭臺之上其臺有九層衆官
吟詠步虛每一首上一層至第十首方到其
上得見太上然後吟三啓頌衆官旋行法師

臣八

十五

徑左旋至三寶前存三寶在御法師面奏乞
為齋主某削罪錄註生名天尊含笑令左玄
真人取罪錄來元明寫某人有何罪目逐一
並用紫筆勾却次取生籍進以朱筆明寫某
鄉貫某入某年月日時生今註生名與天相

保遂心拜謝恩歸本位禮三寶次大謝蓋自
入壇至懺方以前並有司之事未見太上面
奏至步虛方見太上長跪面奏也次復爐存
真人眉間有日大如錢光芒煥耀向來所出
諸項仙靈官吏及一切聖真一切景象並化
爲五色雲氣來入眉間日中混合爲一寂無
遺響方出壇至玄師幕存中田丹元君下至
下田右轉九帀與玄冥君分爲二祝曰朝退
復位又上至上田右轉九帀與華峯君分爲
二祝曰朝退復位又自上田下至中田徐徐

咽液歸靜默堂如係開度則改削罪錄註生
名一段作亡人累劫罪目今註往生也

上章進表

先入靖端坐念三天諱一千徧然後出靖行
事將進章合用物件陳設如儀法師詣靜默
堂校章先宣檢攝祆氛符洒水淨穢次啓白
本派祖師存祖師列坐幕中然後校章校畢
封章封畢華夏讚引迎章出章官幕前安奉
遂請章中官吏三獻焚錢馬併五表焚之華
夏再讚引迎章上章壇師兩手玉清訣存思

依朝奏法次宣章普令三界知章中事意宣
畢召官將翊衛法師自入壇以後口默誦三
天諱不輟至遣章時法師飛三罡如申奏文
檄法真人在絳宮中步九靈罡存章中官吏
及平日所用官將翊衛徑歷重樓度虹橋至

臣八

十六

中天門下入第一重門榜曰陽精門見金碧
輝煥周將軍守門法師揖白進章事意將軍
許之入第二重門榜曰洞華門葛將軍守門
揖白如前再入第三重門榜曰正陽門唐將
軍守門揖白如前凡三門皆崇樓邃閣紅雲

祥霧隱映輝煥既入第三重門畢遂升入東
向詣太一玄生府次南詣鳳凰閣下次西向
詣少皞金樓次北詣北極門下次中詣泰玄
都省並存逐處仙官列坐真人徧拜跪陳進
章事意仙官允許與真人同升元始前見金
闕崇樓光芒燁燁真人入門由左廊而上循
龍尾道至墀下長跪捧章進呈元始金光煥
耀見諸仙官並在元始兩邊侍立真人長跪
奏允與不允乞賜施行見元始含笑命身畔
青衣真人取筆於章後書一依字付省中施

行真人遂伏在墀前仰瞻玉相口念九字呪
十七字呪不計徧數覺有報應訖遂拜辭元
始由右廊而出見隨行官吏踊躍欣抃真人
乃出金闕崇樓由舊路過三天門下次中天
門下次虹橋次重樓歸至絳宮徐徐遙望三
天門再拜謝恩而退此拜大章法也若跪伏
墀下未有報應念呪百二十徧亦起其夜夢
中亦必有明報矣若進表則照進章表科儀
遣官進呈亦用此訣倘只白紙墨書不過行
駕前宣讀畢焚了剔斗遣官而已則無許多

事也

進拜心章

先於密室中為戒如法默念

心中神丹元君長三寸廣七分服赤衣繫絳
裙倏來往猶風雲靜凝寂動飛奔升帝闕入

天門莫離身莫連身凡有事來告人

次念百徧閉炁凝神候鋪設了洒水解穢存

太虛中廓無纖瑕有一珠大如黍米凝住空

玄其珠光皎照耀八方忽然珠口劃開遂自

絳宮升元命真人出天門徑趨入珠口中見

宮殿光明樓閣煥映真人從珠口入至殿門
外遙望元始天尊坐五色獅子之上金光煥
映侍衛衆真如儀真人遂趨入殿下循左廊
而上至几前捧章進呈口奏章中事意覺得
元始欣悅以章付身畔朱衣真人以朱筆寫
依字於章尾付都省直日官吏奉行真人遂
從几前再拜謝恩循右廊而出見三天衆真
欣悅相慶然後出珠口覺太虛中宛無一物
珠亦不見真人自歸絳宮中凝神端坐靜息
行神光大定之法寂無遺響

出官啓事

三十九户上真靈官自五臟六腑九竅四肢
歷歷而出二十四真神自九竅四臟六腑而
出五體真官自三田中出五色雲炁化成位
五方左領仙玉郎右領仙玉郎玉虛侍郎自

臣八

十六

五臟中出飛龍功曹上元功曹飛行功曹自
頂中出飛仙使者太仙使者神仙使者自五
臟中出玉虛金童玉女飛行金童玉女自兩
肩出八節直言直事自頂門出執法開化陰
陽功曹度道消災散禍解厄君吏自心中出

前部效功自膝出後部效殺自膝出驛亭令
驛亭丞自心腎出監功謁者自肝肺心腎出
仙靈直使自骨出正一功曹自心出治病功
曹自脾出左右官使者自心腎出陰陽神決
吏自心腎出科車赤符吏古士形寇憤自左
膝下出剛風騎置吏自右膝下出驛馬上章
吏古士形自兩足下出飛龍騎吏自鼻出狼
吏虎賁自眉間出察奸鈎騎古士形自大腸
出天丁力士自額出天騶甲卒自臍出都官
僕射道士形自頂出治正執正吏自膝出收

氣食氣更自鼻出收神食神更收邪食邪更
並道士形自背間出此依法出諸官吏也前
輩謂繁冗難記不如只自子上巡歷十二官
再指定別出存諸官吏並從衆妙門出立於
四方侍衛極爲簡徑倘能每日早朝出官晚
朝六謝後納官尤佳

設醮降聖

法師先洒淨醮筵存設醮處廣大無邊景星
慶雲祥風甘露神光瑞炁羅絡周帀銀燭華
燈玲瓏璀璨遂祝掌醮司存醮筵化爲三層

上層金器具中層玉器具下層銀器具仙果
仙醞闢巧擷竒仙花仙樂芬芳繚繞所有進
獻錢馬羅列如真次祝降聖司存天門忽開
前有天燈天樂引導丹輿綠輦羽蓋瓊輪霓
旌翠幢雲旂絳節千官函簿侍衛至尊並自
天門而下然後休科行事至請聖時法師不
出班降聖存我泥丸宮各有九人天尊服飾
自九宮而出各有侍衛與空中所降九位混
合爲九人升座而坐又存我百關九竅皮毛
中各有千真萬聖自關竅骨節而出與空中

所降預醮真靈混合爲一條升醮筵而坐方
三獻宣疏然後送聖法師亦不隨班送聖存
九御各分形我身中者自泥丸入後還宮室
空中降者乘雲炁升入天門所有預醮真靈
亦分爲二我身中者自關節毛竅入于原處
空中降者分三界各歸所司然後納官復爐
如常儀

修誦妙經

凝神端坐定息焚香東向默召十方心拜十
過念開經玄蘊呪呪畢即默誦經自經題經

序道言起至飛昇上清遂扣齒三十二通上
聞三十二天心拜三十二過自東北皇曾天
爲始周迴十方每扣齒一通響應一天默念
一天名存見天宮樓閣帝君儼然侍衛整肅
然後心拜次存青黃白三色之炁在我座下

臣八

二十

自然鬱謁紫冥內徹五藏外盈一室密羅盤
繞徧而天地我身左有青龍右有白虎前有
朱雀後有玄武並在本方炁中獅子九隻自
臍中出白鶴左右各六隻自臍下出列爲二
行並在黃雲中次眉後上元六合府有日月

自其中出日紫色九芒去面九寸月白色十
芒去面十寸光映一室其日月光芒下注我
鼻中入腦後四寸名金華宮化成圓象大如
車輪照徹十方存令一一分明然後發爐默
念无上玄元太上道君召出臣身中三五功
曹存三天更生傳言飛香奏事玄妙功曹各
三十二人五帝功曹亦各三十二人並憤弁
玄冠朱履大帶五色大袖方心曲領左右官
使者存各三十二人綉衣大袖五色包巾侍
香金童存三十二人頂分雙髻同心綉帶五

色飛衣朱履傳言玉女存三十二人七寶鳳
雲髻五色飛雲羽裙珂珮錦綾靴五帝直符
存三十二人朝天高脚幘頭五色大袖綉抹
額錦文綺玉帶綉靴直日香官存三十二人
玄冠五色服存令逐一昭然遂默念關啓所

臣八

二十一

言今日吉慶長齋清堂不長齋修行至經不知

三洞之要則不言若為一事而無量度人則不言臣及甲乙

亦看有轉經受生非度竟願所啓速達徑御

何人誦無上三十二天元始上帝至尊几前呪畢引

炁三十二過存各天真炁自黃曾天為始其

炁如玉霞之輝下灌我身吸咽之如東方八
天存歸肝其精則生无英公子南方八天存
歸心其精則生司命丈人西方八天存歸肺
其精則生白元尊神北方八天存歸腎其精
則生桃康大君也以上作用俱畢次存我赤
天中元命真人冠服儼然我泥丸中祥雲瑞
炁流煥八方真人自絳宮中歷重樓度虹橋
上朝元始絳宮中紅雲紫炁交映重樓左右
亦然虹橋兩畔有金龍夾之鬚鬣搖動徑入
天門存紫炁絳雲飛繞閣殿儼然在於雲中

元始披九色離羅之帔在殿中左右侍衛如
法真人遂上朝跪奏誦經之旨畢再拜元始
左旋三帀與元始混合爲一乘紫雲下絳宮
五色雲炁結成獅子元始坐獅子上直下丹
田坐千真萬聖各乘雲炁擁飛蓋寶輦光明
華煥在空中來衛護元始觀瞻衆庶有如細
雨密霧叅聽法音元始遂引十方衆聖徑上
中田存一寶珠光明照徹在空玄中衆真並
從元始俱入寶珠之內無欠無餘又存己之
魂神爲道君乘玉光自東方肝宮而來亦入

寶珠跪於元始前受經遂誦元始无量度人
上品妙經元始洞玄靈寶本章誦至東方无
極飛天神王存神王峨冠朱服皂襪環珮乘
青雲而至誦南方无極飛天神王則存神王
如前服飾乘赤雲而至西方神王乘白雲而
至北方神王乘黑雲而至四維俱乘梵炁上
方神王乘金光下方神王乘黃雲各部領鹵
簿儀衛來在空中誦至普告三界存元始自
珠中放百寶毫光直照珠外下破九幽諸獄
諸罪魂以符命攝之並出獄外酆都大帝與

諸罪魂乘光徑入珠中萬罪悉皆清淨誦至
東方八天存諸天自北始南行每天帝皆服
青冕青旒青服青裳坐梵炁中次誦南方八
天存諸天自東始西行每天帝青冕赤旒朱
服黃裳坐梵炁中次西方八天存諸天自南
始北行每天帝皆服青冕金旒白服白裳坐
梵炁中次北方八天存諸天自西始東行每
天帝皆服青冕白旒皂服朱裳坐梵炁中其
梵炁皆如流霞之狀而繞天地侍衛元始次
存五斗星君及五帝冠冕衣服如帝者服其

衣各隨其方色五魔王服色如五帝各乘雲
炁並存令真直誦至无英公子存蓮花冠青
玉錦袍帶狀如王侯居肝白元尊神存蓮花
冠白玉錦袍帶狀如王侯居肺太一存紫衣
金冠腰有流金火鈴道士形坐日中居腦存
司命丹衣黃芙蓉冠真人之服坐百寶光中
居心存桃康合延黃衣山寇坐靈龜白炁中
居腎誦至各有生門存元始與己之魂在寶
珠之中乘五色雲炁直下至下丹田白炁中
誦欲界魔王章存魔王如五帝冠冕衣裳在

前稽首敬誦人道眇眇至我道日興隆存下
丹田珠中元始升中丹田黃炁中誦色界魔
王章存魔王亦如五帝寇冕在前稽首敬誦
落落高張至故為歌音次存中丹田元始升
上丹田青炁中誦無色界魔王章存魔王亦
如前誦三界之上至我當復奈何次元始又
誦至禍及七祖翁處却以經一卷手付與道
君衆真監度存道君得經一卷再拜辭元始
歸肝宮次存元始在大羅之上放眉間白毫
光照耀天地起身光中右旋三匝真人與元

始分形爲二元始仍坐獅子之上真人遂再
拜辭謝歷虹橋度重樓直入赤天中端坐遂
自道言此二章誦至洞明至言也次默誦諸
天中大梵隱語无量音元始靈書中篇東方
八天亶婁阿耨至四象吁負扣齒九通存九
色玄龍導從前後青雲九重覆而身形却再
念密呪曰
赤明開圖八炁四真總統元關青帝大神流
化九外纏綿我身靈音八書六十四篇洞明
天地與我合仙運致龍駕上升帝轅

右呪畢引炁九咽止次誦南方八天南閻洞
浮至神纓自宮扣齒三通存朱雀鳳凰飛翔
前後絳雲三重覆巾身形念密呪曰

三炁徘徊靈鳳來飛玉音八字煥爛紫微吉
日大慶我道明開朱丹哺飴仰吸雲輝身生

廿八

二十四

水火絳帔羽衣登言飛步足踐鳳梯周旋八
天七祖相隨

呪畢引炁三咽止次誦西方八天刀利禪猷
至拍空度仙扣齒七通存白虎獅子導引左
右素雲七重覆巾身形念密呪曰

七炁金靈八天尊神白虎衛輦獅子捧轅七
炁纏綿鍊我成仙身登金光映照青雲內外
變化升入洞門七祖出夜九幽旋魂億劫開
度隨運長存

呪畢引炁七咽止次誦北方八天攬无自育
至幽寂度人扣齒五通存飛龜羽蓋翳鬱左
右黑雲五重覆巾身形念密呪曰

元天徘徊流景上清大有啓運八字高明飛
天澄空洞陰自生五炁綿綿灌我身形冠帶

北單受福洞靈腎府北出內外光精飛行三

界遊宴紫庭

呪畢引炁五咽止次默誦此諸天中至大量
玄玄也密祝云

臣某謹誦玉經存思既周乞發龍輶天神下
降役使六丁七祖飛升我騰上清

臣八

二十五

祝畢引炁托齒九通咽液九過北向心禮三
拜默念

上皇太真使我身靈清齋潔練誦詠金書七
玄披散上朝太虛延年長存刻名錄書畢次
東向默祝云

臣某誦經已畢向來所出臣身中三五功曹
左右官使者侍香金童傳言玉女五帝直符
直日香官各三十二人還臣身中復於宮室
母令差互後召又到一如故事

祝畢扣齒三通咽液三過存衆真化爲雲炁
上升每方心禮三拜以鼻引三色雲炁咽入
五藏存四靈各復本位然後行神光大定之
法寂無遺響

靈寶領教濟度金書卷之二百八十二



